

古

今

譚

槩

文戲部第二十七目錄

成語詩

改觀音經語

改蘇詩

舊律易字

舊絕句易字

計二條

用舊詩句

改用舊詩句

計二條

縮字詩

歇後詩

計三條

千文歇後詩

計二條

諸理齋詩

廣文嘲語

縮腳詩

貫酸齋

解大紳

十七字詩

吳瞿戲筆

計二條

二蘇詩

計二條

七十新郎

馬孟詩

蜘蛛詩

楊公復詩

朝林和靖

四十翁

錢鶴灘

歐陽景

食單

唐解元二詩

計二條

採蟾酥差

夢鐘

應履平詩

裁縫冠帶

周秀才

龍宮海藏

寫真

弄瓦詩

獨眼龍

惡字

栢子庭詩

東坡戲聯

計二條

而已詩

榜後詩

計三條

長妓瘦妓

生張八

貧媚

通判

藥名詩

計三條

吃語詩

計二條

反酒箴

反金人銘

做春秋

筍墓誌

曲中月令

觀卦

賦韋舍人

蓋賦

偷狗賦

張公契酒李公醉賦

成語賦

計二條

倒語賦

典淮郡謝啓

鬚蟲頌

賀側室育子啓

謝遣妓啓

未名柬

東坡製詞

醫官

戲吳主事句

決僧判

計二條

買僮券

題小像

計二條

化驗疏

烹雞誦

獻海螺簡

行人司告示

策結

詞計二條

葉祖詩詞

詞曲計七條

文戲部

子猶曰迂士主文而諱戲俗士逐戲而離文其能以  
文爲戲者必才士也尼父之戲也以俎豆鄧艾之戲  
也以戰陣晦翁之戲也以八卦何獨文人而不然且  
夫觀文如戲則文之興益豪而雖戲必文則戲之途  
亦窄或亦砭迂鍼俗之一助云爾集文戲第二十七

○○成語詩

林觀過年七歲嬉遊市中以鬻詩自命或戲令咏洩氣  
云視之不見名曰希聽之不聞名曰夷不啻若是其口

此人皆掩鼻而過之。

○改觀音經語

觀音經云。呪阻諸毒藥。所欲害身者。念彼觀音力。還着於本人。東坡居士曰。觀音慈悲。若說還着本人。豈其心哉。乃改云。念彼觀音力。兩家都沒事。

坡語雖趣。然非所以止呪也。經之意深。坡之意淺。

○改蘇詩

蘇詩無事此靜坐。一日似兩日。若活七十年。便是百四十。近有任達者更之曰。無事此游戲。一日似三日。若活



七十年便是二百一

子猶嘗反其詩云多事此勞擾一日如一刻便活九  
十九。湊不上一日。

○舊律易字

廣東二貢士爭名至相毆友人用舊詩更易誦之曰南  
北齋生多發顛春來爭榜各紛然網巾扯作黑蝴蝶頭  
髮染成紅杜鵑日落二人眠閣上夜歸朋友笑燈前人  
生有打須當打一棒何曾到九泉

○舊絕句易字

元徽之貶江陵過襄陽夜召名妓劇飲將別作詩云花  
枝臨水復臨堤也照清江也照泥寄語東風好擡舉夜  
來曾有鳳皇樓宋謝師厚作襄倅聞管妓與二胥相好  
此妓乞書扇遂用元詩改末句云夜來曾有老鴉樓

南昌張相公蘭溪趙相公皆與張江陵相左由翰林謫  
州同後屢遷俱於辛卯入內閣太倉王元馭當國以詩  
戲之曰龍樓鳳閣城九重新築沙堤拜相公我貴我榮  
君莫羨十年前是兩州同

西堂紀聞云昨夜陰山賊吼風帳中驚起黑髯翁平明

不待全師出。連把金鞭打鐵驄。此詩不知誰作。頗爲邊  
人傳誦。有張師雄者。居洛中。好以甘言媚人。洛人呼爲  
蜜翁。翁會官塞上。一夕傳虜犯邊。帥雄倉皇震恐。衣皮  
裘兩重。伏土窟中。秦人呼土窟爲土空。有人改前詩以  
嘲之曰。昨夜陰山賊吼風。帳中驚起蜜翁翁。平明不待  
全師出。連着皮裘入土空。

○用舊詩句

杭有一婦夫死。未終七。卽嫁。被訟於官。免金編脩爲居  
間。臨審時。金佯問問官云。此輩何事。官曰。丈夫身死未

終七。嫁與對門王賁筆。金曰。月移花影上闌杆。春色惱人。眠不得。官笑而從末減。

○改用舊詩句

方于魯徽人用造墨起家。多薦紳交。有長安貴人寄蘭州絨於方。時夏四月矣。方急製爲衣。服之以誇示賓客。或作詩嘲之曰。愛殺蘭州乾絨絨。寄來春後趙裁縫。寒回死等桃花雪。緩透生憎柳絮風。忽地出神博細脚。有時得意挺高胸。尋常一樣方于魯。纔看絨衣便不同。或云此詩汪南溟作也。

太倉一富人宴客王元吳與焉候有臭鼈及生梨子元  
吳曰世上萬般愁苦事無過死鼈與生梨坐客大噱

○縮字詩

石曼卿登第有人訟科場覆考落者數人曼卿在焉方  
與同年期集使至追所賜敕牒餘人皆泣而起獨曼卿  
笑語終席次日放黜者受三班借職曼卿作詩曰無才  
且作三班借請俸爭如錄事叅從此免稱瘠貢進且須  
走馬東西南

○歇後詩

有時少灣者延師頗不盡禮致其師爭競而散或用吳

語賦歌後詩嘲之曰少灣主人吉日良時東脩且是翁

多娘少身材好像夜叉小是心地猶如短劍長第三杯

晚酌金生麗水兩碗晨餐周發商湯年終算帳索筵席

百家姓有索劈拍之聲一頓相打

相傳嘲監生詩云革車買得截然高大周子牕前草滿

腹包有朝一日高曾祖考煥乎其有文沒分毫

雲間求忠書院為方正學建也一日院觀風有儒童告

考張鄴侯命學博往書院試之賦二題一曰人力所通

一曰鼻之於臭也。時入爲之語曰。貢院求忠書。監場方  
考。痛不見人力所。但聞鼻之於。

○千文歇後詩

啓顏錄。唐封袍一任。襟陽尉。有客過之。面黃身短。又患  
眼及鼻塞。抱一用千字文。語嘲之曰。面作天地玄。鼻有  
雁門紫。既無左達承。何勞罔談彼。

袁景文。觀初甚貧。嘗館授一富家。景文性疎放。師道頗  
不立。未幾辭歸。其家別延陳文東壁。陳懲前事。待子弟  
甚嚴。然無他長。但善書耳。一日景文來訪。文東適出。因

大書其案云、去年先生靡恃已、今年先生罔談彼、若無幾箇始制文、如何教得猶子比、

○諸理齋詩

鳳林夏五名景倩、延師周四維訓子、以不稱欲再延、妻曰何爲又增人口、夫不從、又延羅成吾、時諸理齋亦館於夏、戲曰夏五本是五、增口便成吾、四維尚未去、如何又請羅、又夏五甚短、妻極長、每同立、僅齊妻乳、理齋作歌、後語謔曰夏五官人、罔談彼夏五娘子、靡恃已、有時堂前相遇見、剛剛撞着果珍李、



○廣文嘲語

廣文先生之貧自古記之。近日士風日趨於薄。有某學先生者。人饋之肉。乃瘟豬也。先生嘲之曰。秀才送禮。言之可羞。瘦肉一方。堯舜其猶。又有以銅銀爲贄者。又嘲之曰。薄俗送禮。不過五分。啓封視之。堯舜與人。或作破云。時官之責門人也。言必稱堯舜焉。

○縮腳詩

舊有賦闕辱者云。多聞疑多見殆。吾猶及史之君子。於其所不知。蓋四語皆出四書。皆隱闕字。而末句尤奇。吳

江一老翁。貌似土地。沈寧菴吏部亦用此體賦云。入疆  
關。入疆。蕉。諸侯之寶三。狄人之所欲者。吾又吳中有顧  
秀才名達者。不學而狂。同學者嘲之云。在邦必。在家必。  
小人下。不成章。不。竝堪伯仲。

○ 賈酸齋 解大紳

錢塘有數衣冠士人。遊虎跑泉。飲間賦詩。以泉字爲韻。  
中一人但哦泉泉泉。久不能就。忽一叟曳杖而至。問其  
故。應聲曰。泉泉泉。亂迸珍珠箇箇圓。玉斧砍開頑石髓。  
金鉤搭出老龍涎。衆驚問曰。公非賈酸齋乎。曰。然。然。然。

送遊同飲盡醉而去

書春道士以小像乞解學士題咏解作大書賊賊賊士愕然續云有影無形罕不得只因儉却品仙丹而今反作蓬萊客

○○十七字詩

正德間有無賴子好作十七字詩觸目成咏時天旱府守祈雨未誠神無感應其人作詩嘲之曰太守出禱雨萬民皆喜悅昨夜推牕看見肥守知令人捕至曰汝善作十七字詩耶試再吟之佳則釋爾卽以別號西坡命

題其人應聲曰古人號東坡今人號西坡若將兩人較  
差多守大怒責之十八其人又吟曰作詩十七字被責  
一十八若上萬言書托殺守亦哂而逐之

一說守坐以誹謗律發配鄖陽其母舅送之相持而  
泣泣止曰吾又有詩矣發配在鄖陽見舅如見娘兩  
人齊下淚三行蓋舅乃眇一目者也

○吳翟戲筆

霍山進士吳蘭高才玩世以主事居鄉鄉富人持大士  
像索贊贊曰一箇好奶奶世間那里有左邊一隻雞右

邊一瓶酒。只怕蒼蠅來。插上一枝柳。又有持壽星圖求  
題。圖有長松明月。玄鶴白鹿。靈龜吳題云。一枝松。遮半  
邊。月。一隻黃狗帶着雪。若無老翁持杖起。老鷹飛來抓  
去。能。

翟永齡偶過靖江。人咸以相公稱之。時有一吏在坐。亦  
稱相公。翟意謂人不加敬。後有出扇求詩者。此吏捉筆  
竟題於前。次至永齡。故爲不能之狀。題曰。山不山水不  
和。一片板上兩箇鬼。扇景一船二人一箇吹火通一箇  
舒火腿。嚇得難婆飛上天去。扇上世間名畫見千萬。不

知此畫出何許。詢知海樵。衆人甚報。

○二蘇詩

東坡夜宿曹溪。讀傳燈錄。燈花墮卷上。燒一僧字。卽以筆記於牕間曰。山堂夜沉寂。燈下讀傳燈。不覺燈花落。茶毘一箇僧。

蘇子由見白足婦洗衣。作詩嘲佛印云。玉箸掃銀河。紅裙蘸綠波。再行三五步。浸入老僧窠。

○七十新郎

王雅宜七十娶妾。許高陽嘲曰。七十作新郎。殘花入洞。

房。聚。猶。秋。燕。子。健。亦。病。鴛。鴦。戲。水。全。無。力。銜。泥。不。上。梁。  
空。煩。神。女。意。爲。雨。傍。高。唐。

○罵孟詩

李太伯賢而有文章。素不喜佛。不喜孟子。好飲酒。一日  
有達官送酒數斗。太伯家釀亦熟。一士人無計得飲。乃  
作詩數首罵孟子。其一云。完廩捐階未可知。孟軻深信  
亦還疑。岳翁方且爲天子。女婿如何弟殺之。又云。乞丐  
何曾有二妻。鄰家焉得許多雞。當時尚有周天子。何必  
紛紛說魏齊。李見詩大喜。留連數日。所與談。莫非罵孟。

子也。無何酒盡，乃辭去。既而聞又有送酒者，士人再往，作仁義正論三篇，大率詆佛。李覽之，笑曰：「公文采甚奇，但前次酒被公飲盡，後極索寞，今次不敢相畱。」

○蜘蛛詩

洛陽歌婦楊芊羅，聰慧有才思。楊疑式甚憐之，時有僧雲辨者，善講經。楊令對歌者講，忽蜘蛛垂絲颺雲辨前。楊笑謂歌者曰：「試嘲得着。」奉絹二匹。歌者應聲曰：「喫得肚嬰撐，尋思繞寺行。空中設羅網，只待殺蟲生。辨體充肚大，故嘲之。」楊見詩絕倒，大叫和尚將絹來。雲辨慚且



笑與絹五匹

○楊公復詩

南京大理少卿長與楊公復在京甚貧家畜一豕日命  
置於玄武湖墻採萍藻爲食吳思菴時握都察院章以  
其密邇廳事拒之楊戲作小詩送云太平隄下後湖邊  
不是君家祖上田數點浮萍容不得如何肚裏好撐船  
諺云宰相肚裏好撐船

○嘲林和靖

隱士林和靖傲許洞許朝之云寺裏餒齋餓老鼠林間

咳嗽老獼猴。聚民送物爲伸頸。好客臨門驚縮頭。

○四十翁

廬陵歐陽重巡撫雲南。以不給軍糧奪職歸。每過館驛。必題詩壁上。大抵怨望之辭也。時年甫四十。稱涯翁書。有無名氏書二絕於其詩後云。怨辭隨處滿垣飛。聞道先生放逐歸。四十稱翁非太早。人生七十古來稀。醉翁千古號文宗。此日涯翁姓偶同。却想齊名就充老。世間安有四旬翁。

近考廬陵謫除號醉翁。年止四十。作詩者未知也。然

中丞之竊此文宗誠可誚

○錢鶴灘

狀元錢鶴灘已歸田有客言江都張妓動人公速治裝  
訪之既至已屬鹽買公卽往叩買重其才名立日請飲  
公就酒語求見買出妓衣裳縞素皎若秋月復令妓出  
白綾帕請囑新句公卽題云淡羅衫子淡羅裙淡掃蛾  
眉淡點唇可惜一身都是淡如何嫁了賣鹽人

○歐陽景

有僧金鑾求歐陽景書與玉峯長老薦用景封書曰金

鑒求與玉峯書金玉相乘價倍殊到底不關藤蔓事葫  
蘆自去纏葫蘆

○食單

松楊詩人程渠南滑稽士也與僧覺隱同齋食覺隱  
請渠南賦葷葷詩應聲作四句云頭子光光脚似丁祇宜  
豆腐與菠薐釋迦見了呵呵笑笑殺許多行脚僧聞者  
絕倒

○唐解元二詩

吳令命役於虎丘採茶役多求不遂請僧令答僧三十

復加之。僧求援於唐伯虎。伯虎不應。一日過僧所。戲題柳上云。官差卑隸去收茶。只要紋銀不要賒。縣裏捉來三十板。方盤托出大西瓜。令詢之。知爲唐解元筆。笑而釋僧。

伯虎嘗出遊。遇雨。遇一卑隸家。乞紙筆求畫。唐遂畫海鯨數百。題其上云。海物何曾數着君。也隨盤饌入公門。千呼萬喚不肯出。直待臨時敲窟臂。

○採蟾酥差

太醫院有採蟾酥差。差時儀從甚都。某院判欲以炫耀。

其友枉道過焉友作詩嘲曰白馬紅纓出禁城喧天金鼓擁霓旌穿林過莽多豪氣拿住蝦蟇壞眼睛

○夢鱸

南京王祭酒嘗私一監生其人忽夢鱸出胯下以語人  
人因爲句曰某人一夢甚蹊蹊黃鱸鑽腎事可疑想是  
翰林王學士夜深來訪舊相知見耳談

○應履平詩

應履平爲德化令滿考吏部試論文優而貌不揚不得  
列上乃題詩都門前云爲官不用好文章只要鬚鬚及

胖長更有一般堪笑處。衣裳極得硬綳綳。不書姓名吏  
呈冢宰曰。此必應知縣也。途陞考功。

○裁縫冠帶

有業縫衣者。以賄得獎冠帶。顧霞山嘲曰。近來仕路太  
糊塗。強把裁縫作士夫。軟翅一朝風盪破。分明兩箇草  
刀箍。

○周秀才

東都周默未嘗作東。一日請客。忽風雨交作。宋溫戲曰。  
驕陽爲戾已成災。賴有開筵周秀才。莫道上天無感應。

故教風雨一齊來。見文酒清話

○龍宮海藏

正德中御史某按浙以龍宮海藏命題試且云記出處者東立不記者西退東西各半已而東立者所作不稱意無實西退者作詩誚之曰東廊且莫笑西廊我笑東廊在自忙海藏龍宮無你份大家隨我度錢唐

○寫真

姑蘇蔣思賢父子寫真一日交寫皆不肖時人嘲之曰父寫子真真未像子傳父像像非真自家骨肉尚如此



何○况○區○區○陌○路○人○

○弄瓦詩

無錫鄒光大連年生女俱召翟永齡飲翟作詩嘲云去  
歲相招云弄瓦今年弄瓦又相招寄詩上覆鄒光大令  
正原來是瓦窰

○獨眼龍

吳中小集有便宜行事之令較拳高下最後者爲老儒  
使之行酒有行酒者方病目一睛紅赤衆以紅字爲韻  
賦詩惟劉元聲最勝詩云贏得人稱獨眼龍怪來青白

總非同。憐他滿座能行酒。也算當場一點紅。

○惡字

李郁爲荆南從事有朝士寄書字體殊惡李寄詩曰華  
絨千里到荆門章草縱橫任意論深荷故人相愛處天  
行時氣計教吞言堪作符也

○栢子庭詩

至元丙子松江亢旱聞方士沈雷伯道術高妙府官遣  
吏齋香幣過嘉興迎之比至傲甚謂雨可立致結壇仙  
鶴觀行月字法下鐵簡於湖泖潭井日取蛇蟻焚之了

無應驗。蓋報宵遁。柏子庭和尚素稱滑稽。有詩一聯云。  
誰呼蓬島青頭鴨。來殺松江赤練蛇。聞者絕倒。

子庭又有可憎詩云。世間何物最堪憎。蚤蝨蚊虻。  
賊僧。船脚車夫。并晚母。濕柴。爆炭。水。油。燈。

○東坡戲聯

東坡謫惠州日。與一村校書爲隣。年已七十。其妻生子。  
爲其邀公。公欣然往。酒酣乞詩。公問妾年幾何。曰。三十。  
乃戲贈一聯云。聖善方當而立歲。頑尊已及古稀年。一  
時大笑。

東坡居惠、廣守月餽酒六壺、吏嘗跌而亡之、坡有詩曰、  
不謂青州六從事、翻成烏有一先生、

○而已詩

洪舜俞爲考功郎、應詔言事、論臺諫失職、詞甚剴切、內  
有其相率勇往而不顧者、惟恭請聖駕、款謁景靈宮而  
已、句遂爲臺官所誦、謂祇見宗廟重事也、而舜俞乃云  
而已、有輕宗廟之意、因被落三官、舜俞自爲詩云、不得  
之乎成一事、却因而已失三官、

宋藝祖幸朱雀門、指門額問趙普、何不止書朱雀門、

乃着之字、音曰語助耳、藝祖曰之乎者也助得甚事、  
洪語本此

○榜後詩

孫山應舉、綴名榜末、朋儕以書問山得失、答曰、解名盡處、是孫山、餘人更在孫山外、覽者大笑

王十朋正榜第一、李三錫副榜第一、時有戲正榜尾者曰、舉頭雖不窺王十、伸脚猶能踏李三

周師厚在鄭獬榜及第、只壓得陳傳一人、自賦詩云、有眼不堪看鄭獬、回頭猶喜見陳傳

○長妓瘦妓

杜牧爲宣州幕時有酒妓肥大牧贈詩曰盤祖當時有  
遠孫尚令今日逞家門一車白土將泥臉十幅紅綃補  
破裙瓦棺寺裏逢行跡華岳山前見掌痕不須啼哭愁  
難嫁待與將書問岳神牧同時澧州酒紉崔雲娘形貌  
瘦瘠每戲調舉罰衆賓兼侍歌聲自以爲郢人之妙李  
宣古嘗筵一咏遂至箝口詩曰何事最堪悲雲娘只首  
奇瘦拳拋令急長嘴出歌遲只見肩侵髻唯憂骨透皮  
不須當戶立頭上有鍾馗

○生張八

北都有妓美色而舉止生梗土人謂之生張八因宴會  
乞詩於處士魏野野贈曰君爲北道生張八我是西州  
熟魏三莫怪尊前無笑語半生半熟未曾諳一作也  
難免

○貧娼

吳生戀一娼其人家甚貧友人李雲卿賦其事曰可笑  
梨園地翻爲寂寞場當街爲客座隔壁是廚房屋柱懸  
燈挂泥坯甃火廂煙煙三幅幔舊舊一張牀草薦疊堆  
厚綿衾襪襪胖竹竿衣架短麻布手巾長雙陸無全馬

棋盤少二將。恐惶之茂甚。不可也之當。一時傳笑。吳生恥。遂絕往。

○通判

有以知縣轉管糧通判者。一郎中作詩賀之云。最妙無如轉判通。州官門報氣何雄。班。縣喜得先推府。尊。重何須羨老同。丞。簿晚生今已矣。教。官侍教且從容。更有一般堪羨處。下。倉攢典列西東。後郎中亦謫濟南通判。先通判者官德州。其屬吏也。方到任時。僚屬滿堂。卽書此詩持軸往賀之。及言其故。無不絕倒。



○藥名詩

陳亞好用藥名爲詩曾知祥符縣親故多干托借車牛

因作詩曰地名京界足親知荆托借尋常無歇時全但

看車前牛領上車前十家皮沒五家皮五加亞嘗言藥

名用於詩無不可而幹運曲折使各中理存乎其人或

曰延胡索可用乎沈思久之吟曰布袍袖裏懷漫刺到

處遷延胡索人此可贈游謁措大

陳亞藥名詩百首如風雨前湖近前軒軒聽半夏涼半棋

爲臘寒呵子下呵衣衣嫌嫌春暖縮砂栽砂咏白髮云若是

道人頭不白道人老君當日合烏頭烏頭贈乞雨自曝僧  
云不雨若令過半夏半夏定應應作葫蘆巴葫蘆巴最膾炙  
人口

蕭鳳儀桑寄生傳四詩亦佳然終避其奇巧

○吃語詩

東坡作吃語詩戲武昌王居士云江干高居堅關扃捷  
耕躬稼角掛經蒿竿繫舸菰菱隔筵鼓過軍雞狗驚解  
襟顧景各箕踞擊劍賡歌幾舉觥荆筭供膾愧攬臙乾  
鍋更更甘瓜羹

一孝廉口吃謝在杭與徐興公各贈絕句以難之謝二  
首云綠柳龍樓老林蘿嶺路涼露來蓮漏冷兩淚落劉  
郎又梨嶺連連路蘭陵累累樓流離憐冷落郎輦懶來  
畱興公一首云畱戀蘭陵令淋漓雨淚流嶺蘿涼弄瀾  
路柳綠連樓

○反酒箴

漢書陳遵與張竦相善而操行不同竦居貧無賓客而  
遵晝夜酣呼先是黃門郎楊雄作酒箴以諫成帝或爲  
酒客難法度士云譬之於物子猶瓶矣觀瓶之居居井

之肩處高臨深動常近危酒不沾口藏水滿懷不得左

右牽於纆微一旦車輻直上稱反縣也酒云掛輻為寃所輻寃丁浪反轉寃

井也輻音雷身提黃泉骨肉為泥自用如此不如鴟夷草囊以盛

酒鴟夷滑稽腹大如壺盡日盛酒人復借酤常為國器

托於屬車天子屬車常載酒食出入兩宮經營公家錄是言之酒

何過乎遵大喜謂練曰吾與爾猶是矣

○反金人銘

孫楚反金人銘曰晉太廟左階前有石人焉大張其口而書其胸曰我古之多言人也無少言少言少事則後

生何速焉。夫惟立言名乃長久。胡爲槐然自絀其口。

○○做春秋

霄川月河莫氏稱望族。家世以春秋馳聲。至一酒樓飲。見壁間題云。春王正月。公與夫人會於此樓。蓋輕薄子。攜妓來飲。所題也。莫卽援筆題其下云。夏大旱。秋饑。冬雨雪。公薨。君子曰。不度德。不量力。其死於饑寒也宜哉。見者大笑。

○筍墓誌

傅奕病。未嘗問醫。忽酣臥。厥然曰。吾死矣乎。卽自誌曰。

傳奕、青山、白雲人也。以醉死，嗚呼。陶穀戲焚之，作筍墓誌曰：邊幻、節字、麗中。晉林琅玕之裔也。以湯死。建隆年月日立石。

○曲中月令

指揮陳鐸善嘲，作曲中月令。其二月有云：是月也，壁虱出，溝中臭氣上騰，妓舞化為鞋。

○輓封

宋末淮南潘純戲作輓封，其詞曰：輓事可小事，亦可大事。衆曰：輓事，天地輓而四時行，日月輓而晝夜明，上下

輓而萬事成。輓之時義大矣哉。象曰：地上有木，輓。君子以容身固位。初六：輓出門，無咎。象曰：出門便輓，又何咎也。六二：傳於鍤，輓。象曰：傳於鍤，天下可行也。六三：君子終日輓輓，厲無咎。象曰：終日輓輓，雖危無咎也。九四：模稜吉。象曰：模稜之吉，以隨時也。六五：神輓老於事也。上六：或錫之高爵，天下揄榆之象。曰：以輓受爵，亦不足敎也。切中輓近膏肓，可發諸笑。

○賦韋舍人

天成年，盧文進鎮鄧，賓從祖饒舍人韋吉，年老無力，控

馭既醉馬遙馳桑林中、被橫枝骨掛巾冠、露禿而奔、僕夫趨救、則已墜矣、舊患肺風、鼻癢疹而黑、臥於道、周幕客無不笑者、左司郎中李任戲爲賦云、當其屬子潛窺衙官共看、喧呼麥隴之中、偃仆桑林之畔、藍撓鼻孔、直同生鐵之椎、覩旬骷髏、宛似熟銅之罐、聞者無不絕倒。

○蓋賦

范文正公少時作蓋賦、其警句云、陶家甕內、淹成碧綠、青蒿、搯大口、中嚼出官商角徵、蓋親嘗忍窮、故得蓋之妙處云。



○偷狗賦

滕達道讀書滑山僧舍。僧有犬烹之。僧訴於縣。縣命作偷狗賦。有警縣云。撤梵宮之夜吠。充絳帳之晨羞。團飯引來。喜掉續貂之尾。索綯牽去。驚回顧兔之頭。令歎賞。

○張公解酒李公醉賦

郭景初夜出。爲醉人所誣。官召景初詰其狀。景初歎曰。謠所云。張公喫酒。李公醉。官卽命作賦。郭云。事有不可測。人當防未然。清河太人方肆杯盤之樂。隴西公子俄邀醪酌之。笑而釋之。

○○成語賦謔

三衛一子弟，淫其里，煨工之女，爲工所擒，不忍殺，以鐵鉗缺其左耳，縱之去。詣理齋作賦謔之，內一聯云：君子將有爲也，載寢之牀，匠人斲而小之。言提其耳。

會稽馬殿幹有美姬，善歌，時出佐酒。馬死，有梁丞得之，亦侑觴。時陳無損酒酣，屬句謔云：昔居殿幹之家，爰喪其馬。今入邑丞之室，無逝我梁。一座絕倒。

○倒語賦

熙寧未改科，前有吳儆賢，良爲廬州教授，嘗誨諸生作

文須用倒語、如名重燕然之勒之類、則文勢自然有力。  
廬州士子遂作賦嘲之云、教授於廬、名儔姓吳、大段意  
頭之沒、全然巴鼻之無。

○典淮郡謝啓

文本心典淮郡、蕭條甚謝、賈相啓有云、人家如破寺、十  
室九空、太守若頭陀兩髻、一飯。

○鬚虱頌

王介甫王禹玉同侍朝、見虱自介甫襦領而上、直緣其  
鬚上、顧之而笑、介甫不自知也、朝退、禹玉指告介甫、命

從者去之。禹玉曰：「未可輕去。」願頌一言。介甫曰：「何如？」禹玉曰：「屢遊相彞，曾經御覽，衆大笑。」

○賀側室育子啓

陸伯麟側室育子，友人陸象翁以啓戲賀之，曰：「犯簾前禁，尋竈下盟。玉雖種於藍田，珠將還於合浦。移夜半驚鷺之步，幾度驚惶。得天上麒麟之兒，這回喝采。既可續詩書禮樂之脉，深嗅得油鹽醬醋之香。」

○謝遣妓啓

陶穀奉使江南，韓熙載遣家妓以奉卮匱，及旦以書謝。

云巫山之麗質初臨霞侵鳥道洛浦之妖姿自至月滿  
鴻溝韓召妓訊之云是夕忽當浣濯

○未名東

翟永齡與陸廉伯竝以才學馳名後陸發解而翟名最  
後以書東所親曰至矣盡矣方知小子之名顛之倒之  
反在諸公之上

○東坡制詞

東坡以呂微仲豐肥戲之曰公真有大臣體坤六二所  
謂直方大也及呂拜相東坡制其詞曰果藝以達有孔

門三子之風直大而友得坤卦二爻之動

○醫官

盧質好諧謔爲莊宗管記會醫官陳玄補醫學博士所  
司請稿質立草云既懷厚朴之才宜典從容之職莊宗  
覽之久爲啓齒

○戲吳主事句

吳江爲刑部主事差還復命鴻臚寺官語之曰聲音要  
洪大正選通政時也起身不要背上至日蚤吳果努力  
高聲亦無音節又橫走下御街西孝廟爲之解顏時

同僚楊郎中茂仁作一對句云高叫一聲驚動兩班文武橫行幾步笑回萬乘君王

○決僧判

雙漸嘗爲令入僧寺中主僧半酣矣因前曰長官可同飲三杯漸怒判云談何容易邀下官同飲三杯禮尚往來請上人獨喫八棒

李翱尚書初守廬江有僧相打斷云夫說法則不曾跌坐而坐相打則偏袒左肩右肩領來佛面前而作偈言各答去衣十五以例三千大千

○買僮券

王褒買僮名便了。僮曰：欲使便了，皆當上券。不上券，便了不能爲也。褒乃爲券曰：神爵三年正月十五日，資中男子王子淵，從城都安志里女子楊惠買夫。時戶下髡奴便了，決賣萬五千。奴從百役，不得有二言。晨起早掃，飲食洗滌，居常穿白縛蒂，裁孟鑿井浚渠，縛落鉏園，研陌杜埤，地刻大枷，屈竹作杷，削治鹿盧，出入不得騎馬，載車蹠足大吻，下牀振頭，垂釣刈薊，織履作麓，黏雀張鳥結網捕魚，繳雁彈鳧，登山射鹿，入水捕龜，浚園縱魚。



雇鷺百餘。驅逐鷓鴣。持梢牧豬。種薑養芋。長育豚駒。糞  
除堂廡。餽食馬牛。鼓四起坐。夜半益菰。舍中有客。提壺  
行沽。汲水作饌。但當食豆飲水。不得嗜酒欲美。飲酒惟  
得沾唇漬口。不得傾盃覆斗。不得晨出夜入。交關伴侶。  
多取蒲菜。益作繩索。雨墮無所爲。當偏將織薄。植種桃  
李。梨柿柘桑。三丈一樹。八樹爲行。果類相從。縱橫相當。  
果熟收斂。不得吮嘗。犬吠當起。驚告鄰里。携門柱戶。上  
樓擊柝。持盾曳矛。環落三周。勤心疾作。不得遨遊。筋老  
力索。種莧織席。事訖欲休。常春一石。夜半無事。浣衣當

白。若有私錢。主急賓客。不得奸私。事事關白。若不聽教。  
當答一百。

○題小像

唐伯剛題郭仲誼小像云。七尺軀。威儀濟濟。三寸舌。是  
非風起。一雙眼看人。做官兩隻脚。浴門報喜。仲誼云。是  
誰。是誰。伯剛云。是你。是你。

岳正再起再廢。有自京師來者傳。天子語於正曰。岳  
正倒好。只是大膽。正因寫小像。遂隳括其辭。題於上曰。  
岳正倒好。只是大膽。惟帝念我。必當有感。如或赦汝。再

敢不敢

○化鬚疏

沈石田有化鬚疏其序曰茲因趙鳴玉髡然無鬚姚存  
道爲之告助於周宗道者於其於思之間分取十鬣補  
諸不足請沈啓南作疏以勸之疏曰伏以天閭之有刺  
地角之不毛鬚需同音今其可索有無以義古所相通  
非妄意以干適因人而舉康樂著舍施之迹崔謚傳種  
種之方惟小子十莖之取分豈先生一毛之不拔惟有  
餘以補也宗道廣及物之仁乞諸隣而與之存道有成

人之美。使離離綠坡而飾我。當惜惜擊地以拜君。把鏡  
生歡。頓覺風標之異。臨流照影。便看相貌之全。未容輕  
拂於染髮。豈敢易然於覓句。感矣荷矣。珍之重之。敬疏。

○烹雞誦

唐六如遊僧舍。見雌雞。請烹爲供。僧曰。公能作誦。當不  
靳也。援筆題曰。頭上無冠。不報四時之曉。腳跟欠距。難  
全五德之名。不解雄先。但張雌伏。汝生卵。卵復生子。種  
種無窮。人食畜畜。又食人。冤冤何已。若要解除業障。必  
先割去本根。大衆先取波羅香水。推去頭面皮毛。次運。

菩。薩。慧。乃。割。去。心。腸。肝。膽。吐。香。水。源。源。化。爲。霧。鑊。湯。滾。滾。成。甘。露。飲。此。甘。露。乘。此。霧。直。入。佛。牙。深。處。去。化。生。彼。國。極。樂。土。僧。笑。曰。難。得。死。所。無。憾。矣。乃。烹。以。侑。酒。

○獻海螺簡

舒雅才韻不在人下。以戲狎得韓熙載之心。一日得海螺甚奇。宜用滑紙以簡獻於熙載。云。海中有無心斑道人。往詣門下。若書材槌澀逆意。可使道人馴之。卽證發光地菩薩。熙載喜受之。

發光地十地之一出華嚴經

○行人司告示

行人司閒僻官吏罕到市人每日取汲廳前頑童戲坐公座或有戲揭告示云示仰各吏典以後朔望日仍要赴司作揖凡男婦汲水者毋得仍前擅坐公座

○策結

有二編脩謁李西涯公曰近有一策題兩翰林九年考滿推擢何官二君笑云策破未有先有一結執事事也執事責也愚生何有焉公大笑題陞官坊

○詞

徐淵子舍人善諧謔丁少詹與妻有違言棄家居茶寮

茹齋誦經日買海物放生久而不歸妻求徐解之徐許諾見賣老婆牙者買一籃餽丁作詞曰茶寮山上一頭陀新來學得麼螭蚌螭蚌與烏螺知他放幾多有一物似蜂窠姓牙名老婆雖然無奈得他何如何放得他丁大笑而歸

一人娶妻無元袁可潛贈之如夢令云今夜盛排筵宴準擬尋芳一遍春去已多時問甚紅深紅淺不見不見還你一方白絹

○葉祖詩詞

葉祖負雋聲。嘗曰：世間有不分曉事。吾因一聯咏之。醉來黑漆屏風上。草寫廬全月。蝕詩。後以多語去官。獨西湖二三僧相善。爲之祖饌。僧曰：世事如夢而已。葉曰：如夢如夢。和尚出門相送。聞者絕倒。

○○詞曲

張明善嘗作水仙子。譏時云：鋪唇苦眼早三公。裸袖揎拳享萬鍾。胡言亂語成時用。大綱來都是哄。說英雄誰是英雄。五眼雞岐山鳴鳳。兩頭蛇南陽臥龍。三脚貓渭水飛熊。



王威寧越尤善詞曲嘗於行師時見村婦便旋道傍途  
作塞鴻秋一曲綠楊深鎖誰家院見一女嬌娥急走行  
方便轉過粉牆東就地金蓮清泉一股流銀線衝破綠  
苔痕滿地珍珠濺不想牆兒外馬兒上人瞧見

元關漢卿嘲秃指醉扶歸云十指如枯筍和袖捧金樽  
搗殺銀筆字不真搔痒天生鉤縱有相思淚痕索把拳  
頭搗

弘治間王騏以進士授吳橋知縣僅八月免官居家以  
詞曲自樂嘗有妓爲人傷目睫下有青痕遂作沉醉東

風曰莫不是捧硯時太白墨灑莫不是畫眉時張敞描  
差莫不是檀香染莫不是翠鈿珥莫不是蜻蜓飛上海  
棠花莫不是明皇宮墜下馬

玉西樓磐平生不見喜慍之色其家嘗走失雞公戲作  
滿庭芳云平生漂泊雞兒不見童子休焦家家都有閒  
鍋竈任意烹炮煮湯的貼他三枚火燒穿炒的助他一  
把胡椒到省了我開東道免終朝報曉直睡到日頭高  
西安一廣文博學而廉介有氣罷官歸貧甚戲作清江  
引云夜半三更睡不着惱得我心焦躁吃燈的響一聲

儘力子嚇一跌。把一股脊梁筋窮斷了。

雲間酒淡。有作行香子云。浙右華亭。物價廉平。一道會  
買箇三升。打開瓶後。滑辣光馨。教君霎時飲。霎時醉。霎  
時醒。聽得淵明說與劉伶。這一瓶約莫三觔。君還不信。  
把稱來稱。有一觔酒。一觔水。一觔瓶。

巧言部第二十八目錄

花名

黃幃綽

計三條

三菓藥

投壺

尹字

姓名諱

王甘姓

王盧

麥實

沈陳姓對

父名

安石名

王汾劉敬王觀

陳亞蔡襄

上官稱

賈黃中盧多遜

蘇子瞻姜制之

章得象

華嵩

黑齒常之

許敬宗

李素杜兼

羽晴

謝伋司馬伋

陸遠

戚勣陳鑑

馬承學錢同愛

侶鍾強珍

林瑀王軌

才寬葉琪史瓘

聶豹鄭洛書

張更生馬千里

石員外

臧方翰林

給事尚書

先生提舉

陸陳謔語

佛經語

計二條

四書語

計九條

二劉謔語

俗語歇後

五經語

計三條

古文語

計四條

先儒成語

計二條

李可及

醫訣語

琵琶荆釵記成語

計二條

雜成語

計二條

恒言

病諺

典書經

李趙見

明鼓兒

陸伯陽

王和尚

鐵炮杖

婁師德園

無法無聊

家兄孔方

吳妓張蘭

醜婦八字

巧言部

子猶曰、古人戒如簧之舌、豈不以巧哉、然談言微中、可以解紛、夫獨非巧言乎、如止曰諧謔而已、功與罪、兩不居焉、則諸公口中三寸、真有天孫機杼在矣、集  
巧言第二十八

○花名

溫庭筠曰、葡萄是賜紫櫻桃、黃葵是鍍金木樨花。

○黃幘綽

明皇與諸王會食、寧王錯喉噴上幾、王驚慚不遑上、顧



其悚悚欲安之。黃幡綽曰：此非錯。上曰：何也？對曰：是噴帝。上大悅。

噴音帝

玄宗嘗登苑北樓望渭水。見一醉人臨水。上問左右：是何人？左右不知。黃幡綽曰：此是年滿典史。上曰：何以知之？對曰：更一轉入流。上笑。

玄宗小字三郎。幸蜀時過梓潼縣。上停驛。問黃幡綽曰：車上鈴聲頗似人語。對曰：似言三郎。郎當。三郎郎當。後因名琅璫驛。

○三集一集

劉貢父薦客蘇子瞻有事欲先起劉以三菓一藥調之  
曰幸早裏且從容蘇答曰奈這事須當歸

○投壺

邵康節與李君錫投壺君錫未箭中耳君錫曰偶爾中  
耳康節曰幾乎敗壺

○尹字

蘇頌幼時有京兆令咏尹字乃云丑雖有足甲不全身  
見君無口知伊無人

○姓名謔

郭忠恕嘲司業聶崇義云、近貴全爲曠、攀龍只是聲、雖  
然三箇耳、其奈不成聰、聶應聲曰、莫笑有三耳、何如書  
二心。

○王甘姓

唐時有甘洽者、與王仙客友善、因以姓相嘲、洽曰、王、計  
爾應姓田、爲你面慊慊、抽却你兩邊、仙客應聲曰、甘、計  
爾應姓丹、爲你頭不曲、迴脚向上安。

○主盧

北齊徐之才善譏、常嘲王昕姓云、有言則註、近犬則狂。

加頸足爲馬、拖角尾成羊、嘲盧元明云、卿姓在亡爲盧、在丘爲盧、生男爲虜、配馬成驢、

○麥竇

隋麥鐵杖爲汝南太守、因朝集、考功郎竇威嘲之曰、麥是何姓、鐵杖曰、麥豆不殊、何忽見怪、威赧然無以應、

○沈陳姓對

歸安沈筠谿先生、少絕敏穎、弱冠補博士弟子、與弟偕之賦、時風雨暴作、遇陳方伯兄弟於邸、方伯戲曰、大雨沈沈、二沈伸頭不出、公矢口曰、狂風陳陳、兩陳搖尾不

開人稱巧絕

○○又名

張又天大學爲齋長其人渺小動以苛禮律諸生林叔弓作賦嘲云身材短小欠曹交六尺之長腹內空虛乏劉叉一點之墨又詩云中分叉兩段風使十橫斜文上全無分人前強出些

○安石名

劉邠與王安石最爲故舊常拆安石名戲之曰失女便成宕無六真是姪下交亂真如上頭誤當宁王大慚

○王汾劉放王觀

王彥和汾與劉貢父放同趨朝王戲劉曰內朝日日須  
呼汝蓋常朝知班吏多云班班謂之喚班故音班劉應  
聲曰寒食年年必上公汾靖劉又嘗戲王觀云公何故  
見賣王答曰賣公直甚分文

治平初濮安懿王原寢皆用紅泥雜飾劉貢父謂王  
汾曰頃聞王墳賜緋得非子有銀章之命耶

○陳亞蔡襄

陳少卿亞維揚人善詩滑稽尤甚嘗與蔡君謨會於僧舍君謨題詩屏間曰陳亞有心終是惡亞卽索筆對曰蔡襄無口便成衰

○上官弼

陳亞知潤州幕中有上官弼爲亞所親任滿將去謂亞曰郎中才行無玷宜簡調譴亞曰君乃上官弼也如下官口何弼笑而去

○賈黃中盧多遜

賈黃中與盧多遜俱在政府一日京中有蝗蟲盧笑曰

其聞所有乃假蝗蟲買應聲曰亦聞不傷禾但蘆多損耳

○蘇子瞻姜制之

蘇子瞻與姜制之飲姜舉令云坐中各要一物是藥名乃指子瞻曰蘇子子瞻應聲曰君亦藥名也若非半夏定是厚朴衆請其故子瞻曰非半夏非厚朴何故曰姜制之

○章得象

章郇公得象與石資政中立素相善而石喜談謔嘗戲



章云昔時名畫有戴松牛、韓幹馬，今又有章得象也。

○華嵩

京衛指揮華嵩以宿娼柳示，時中書夏仲昭以畫竹名，適過馬師桓家，因教坊相近，欲易便服，拉師桓往遊，師桓戲曰：「你不見華嵩事，又來畫竹。」

○黑齒常之

張文成工爲俳諧詩賦，時大將軍黑齒常之將出征，或勉之曰：「公官卑，何不從行？」文成曰：「寧可且將朱唇飲酒，誰能逐你黑齒膏脂？」

○許敬宗

吏部侍郎楊思玄貴恃外戚倨待選流爲選者夏侯彪所訟又爲御史中丞郎餘慶奏免時中書許敬宗曰楊必敗矣人問之許曰一彪一狼共著一竿豈得不敗

○李素杜兼

李素替杜兼時韓吏部愈自河南令除職方員外郎歸朝問前後之政如何對曰將緣來比素

○羽晴

裴子羽爲下邳令張晴爲縣丞二人俱有聲氣而善言

語論事移時一吏竊議口縣官甚不和或問其故答曰  
長官稱雨贊府道晴終日如此那得和

○謝伋司馬伋

紹興末謝景思守括蒼司馬季思佐之皆名伋劉季高  
以書與景思曰公作守司馬九作倅想事事皆如律令  
也聞者絕倒

○陸遠

陸楚生遠係進士陸大成從堂叔大成發解南畿頗有  
聲望遠每對人呼大成舍姪人多厭之時弇州在座謔

云當不得他還一句遠阿叔也衆爲捧腹

○戚黼陳鑑

戚學士瀾美髯院中呼戚黼與陳司成鑑會宴投漆木壺陳顧戚曰戚黼投漆壺真壺也假壺也戚應聲曰陳鑑看臣鑑善鑑與惡鑑與

○馬承學錢同愛

吳人馬承學性好乘馬喜馳驟同學錢同愛戲曰馬承學學乘馬汲汲而來馬應曰錢同愛愛銅錢孳孳爲利

○侶鍾強珍

都憲侶鍾與通政強珍同席強執壺勸曰要你飲四鍾侶應聲曰你莫要強斟

○林瑀王軌

林瑀王軌同作直講林謂王曰何相見之闊也王曰遭此霖雨瑀云今後轉更疎闊王問其故瑀云逢此短晷蓋議王之侏儒

○才寬葉琪史瓘

郡守才寬善諧謔嘗與尚書葉琦知州史瓘同飲各以名爲戲才曰作就衣裳穿不得裁寬葉曰鑼鳴鼓響軍

不動復旗史默無以應才以大觥罰史飲畢才曰拚死  
喫河魷屎灌

○聶豹鄭洛書

永豐聶豹三山鄭洛書爲華亭上海知縣同時有俊聲  
然議論殊不相下一日同坐察院門側人報上海秋試  
罕中式者聶公笑曰上海秀才下第只爲落書鄭公應  
聲曰華亭百姓當災皆因業報人咸以爲妙對

○○張更生馬千里

方千里一日會張更生方作一令戲曰古人是劉更生

今人是張更生手內執一卷金剛經問爾是胎生卵生  
濕生化生張答曰古人是馬千里今人是方千里手執  
一卷刑法志問爾是三千二千里一千里

○石員外

石中立員外嘗與同列觀上南園所蓄獅子主者曰縣  
官日破肉十觔飼之同列曰吾儕反不及此石曰吾輩  
皆員外郎敢比園內獅子

○職方翰林

陸式齊在水部最久復還職方李西涯戲之曰先生其

知幾乎曷爲又入職方也陸應曰太史非附熱者奈何  
只管翰林耶

○給事尚書

夏忠靖公與給諫周大有同事治水一日偕宿天寧寺  
周早如廁夏戲曰披衣施履而行急事急事周應聲曰  
棄甲曳兵而走嘗輪嘗輪

○先生提舉

浙江花提舉與鄞縣學官交往後陞僉事提舉至鄞以  
舊藎戲出對曰雞卵與鴨卵同窠雞卵先生鴨卵先生



學官乃福建人姓顏應聲曰馬兒與驢兒竝走馬兒蹄舉驢兒蹄舉

○○陸陳謔語

陸文量參政浙藩與陳啓東震飲見其寡髮戲之曰陳教授數莖頭髮無計可施啓東曰陸大人滿臉髭髯何須如此陸大賞歎笑曰兩猿截木山中這猴子也會對鐺啓東曰有犯幸公勿罪乃云匹馬陷身泥內此畜生怎得出蹄相與撫掌竟日

○○佛經語

隋令盧思道聘陳。陳主用觀世音語弄思道曰：是何商人。齋持重寶。思道卽以觀世音語報曰：忽遇惡風，漂墮羅刹鬼國。陳主大慚。

薛道衡爲聘南使。時南朝一僧甚辯捷。道衡向寺禮拜。至佛堂門。僧大聲讀法華經云：鳩盤荼鬼。今在門外道。衡卽應聲還以法華經答云：毗舍闍鬼。乃在其中。衆僧愧服。

○○四書語

虞集未遇時。爲許衡門客。虞有所私。午後輒出館。許每

往不遇。因書於簡云。夜夜出遊。知虞公之不可諫。虞回  
卽對云。時時來擾。何許子之不憚煩。

秦少游自負髯美。語東坡曰。君子多乎哉。東坡應聲曰。  
小人樊須也。一座絕倒。

余進士田。與湯進士日新相善。因戲曰。湯之盤銘曰。苟  
者君乎。湯卽應聲曰。卿以下必有圭者。君也。

詹侍御與蘇大行五鼓行長安街。呵道聲相近。蘇問前  
行爲誰。從者曰。道裏詹爺。蘇曰。詹之在前。詹問後來爲  
誰。從者曰。行人司蘇爺。詹回首曰。後來其蘇。相顧一笑。

袁太冲七歲時與羣兒戲自稱小相公彭魯溪公出對云願爲小相袁應聲曰竊比老彭

呂望之提舉市易曾子宜劾其違法曾反坐呂治事如故劉貢父曰豈意曾子避席望之儼然

浙解張巽才名平等郡守王公試題莫春者至風乎舞雩破中有天地二字王賞其恰當取居首及鄉試總裁王公監臨王公皆無異賞守力薦拔解中丞公亦若不滿謂張曰贈汝一對曰考諸三王而不謬建諸天地而不悖聞者絕倒

沈括字存中，方就浴，劉貢父遽哭之曰：存中可憐已矣。衆驚問之曰：死矣。盆成括。

石動筭嘗詣國學，問博士曰：孔門達者七十二人，幾人冠？幾人未冠？博士曰：經傳無文。動筭曰：先生讀書，豈合不解冠者三十人，未冠者四十二人？博士曰：據何文？解之。動筭曰：冠者五六人，五六得三十也。童子六、七、人、六、七、四、十、二、也，皆大笑。

一說又問三千弟子，後來作何結果？答曰：二千五百人爲軍，五百人爲旅。

○二劉謔語

龍圖劉燁嘗與劉筠聚會飲茗問左右湯滾未皆言已滾筠曰僉曰鯨哉燁應聲曰吾與點也一日連騎趨朝筠馬病足行遲燁問馬何遲筠曰只爲五更三燁曰何不七上八言馬蹄既點該落步行

○○俗語歇後

吳中黃秀才相掀唇人呼小黃寢嗜讀書寺中一日寺僧進麪因熱傷手忒地黃作歇後語謔之曰光頭滑光頭浪光頭練光頭勒謂麪盪換忒也僧卽應聲戲曰七

大八七青八七孔八七張八蓋隱小黃窠嘴四字黃亦  
絕倒

○五經語

王三名觀恃才放誕陸子履行四性慎默於是無所可  
否觀嘗以方直少之然二人極相善觀嘗寢疾子履往  
候之觀以方帽包裹坐複帳中子履笑曰體中小不佳  
何至是所謂王三惜命也觀厲聲曰王三惜命何如六  
四括囊

鄭玄家奴婢皆讀書嘗怒一婢拽着泥中一婢問曰胡

爲乎泥中。答曰：薄言往訴，達彼之怒。

齊王儉爲吏部尚書時，客有姓譚者，詣儉求官。儉曰：齊桓滅譚，那得有汝？答曰：譚子奔莒，所以有僕，卒得職焉。

○古文語

一士人家貧，與其友上壽，無從得酒，乃持水一瓶，稱觴曰：君子之交淡如友。應聲曰：醉翁之意不在。

楊大年億方與客棊，石曼卿自外至，坐於一隅。大年因誦賈誼鵬賦以戲之，曰：止於坐隅，貌甚閒暇。石遽答云：口不能言，請對以臆。



黃州黃解元麻、荊州張狀元茂修相遇薊門。黃年少有貌，而張相君之子黃故諱之曰：「思公子兮，未敢言。」張卽應聲曰：「懷佳人兮，不能忘。」

西昌劇賊劉富年七十餘，子姪六七人，曰堯、曰舜、暨禹、湯、文武、盤庚輩。時時行劫，張職方大來令西昌時，懸賞捕獲，悉斃之杖下。盜警始息，監司郡侯語次及之。張曰：「聖人不死，大盜不止。」猶龍氏已云矣，衆大笑。

○先儒成語

李本建嘗與文士飲汪司馬齋中，有巧樛蘇製嵌銅錫

壺以火猛燒流而化李曰此所謂流而不息合同而化也汪方停盃喚僕聞之大笑其怒遂解

陸通明世居洞庭有吳生客於山一日陸內人臨蓐吳訊曰曾弄璋未陸曰暮生一女已溺之矣吳嘲其諱曰先生極明這事欠通了陸訝之吳曰豈不聞溺愛者不明耶

○○李可及

唐闕史咸通中優人李可及因延慶節繕黃講論畢次及倡優爲戲乃褒衣博帶齋心昇座自稱三教論衡上

問釋迦是何人可及曰婦人也上駭曰有據乎可及曰金剛經云趺坐而坐有夫有兒非婦人而何上爲啓齒又問太上老君是何人可及曰婦人也上曰此何據可及曰道德經云吾有大患爲吾有身若非婦人安得有娠乎又問文宣王何如人可及曰亦婦人也上曰此復何據可及曰論語云沽之哉沽之哉我待價者也若非婦人何乃待嫁上復大笑寵賚有加

○○醫訣語

諸史蜀進士熊敦朴

號陸溪

負才不羈自史館改兵部後

左遷別駕往辭座師江陵張柑公公曰公與我同館出身痛癢相關此後仕途宜着意熊曰老師恐未見痛公曰何以知之熊曰王叔和醫訣云痛則不通通則不痛公大笑

○○琵琶荆釵記成語

王元美爲郎時適有宴會嚴世蕃與焉候久方至元美問之曰忽傷風耳元美笑曰爹居相位怎說出傷風時客大笑亦有爲咋舌者

徐文貞公

附

堵顧某謂一縉紳有坐客問云此君何人

縉紳戲曰富朝宰相爲岳丈

文貞公第達齋初宦都下南歸江陵

張居止

爲文貞門

生與諸君共餞之臨別而達齋醉甚乃拊江陵背曰  
去時還有張老來相送來時不知張老死和存張甚  
銜之語亦出琵琶記

○雜成語

尤延之爲太常卿楊誠齋爲秘書監皆善謔一日延之  
誦一句請誠齋對曰楊氏爲我

出孟子

誠齋應曰尤物移

人

出左傳

金給諫士希本西域人科中戲曰賢哉回也

出論語

失偶

再娶又相賀曰這回好箇風流壻

出琵琶記

○恒言

張磊塘善清言一日赴徐文貞公席食鯽魚鯉魚庖人悞不真醋張云倉皇失措文貞腰捫一蟲以齒斃之血濺齒上張云大率類此文貞解頤

○病瘡

中朝有小兒父病行乞藥主人問何病曰患瘡也主人曰尊侯明德君子何以病瘡答曰來病君子所以爲瘡

耳。

○典書經

周愿好諸謔嘗謁尚書李巽適李有故人子落魄不事  
李適問書籍古畫悉云賣去復問曰有一本虞永興手  
寫書經在否其子不敢言賣暫云典錢愿曰此尚書大  
災李問何災愿曰已遭堯典舜典又被此子典之李怒  
頗大開

○李超兒 明鼓兒

陳亞少曾爲於潛令好以判口戲浪人或厭之太守馬

忠肅召戒於庭。俄有通刺謁者。稱大詞郎李過庭。公罵曰。何人家子弟。亞卒爾云。想是李趙兒。公徐悟之。大笑。蔡元城爲諫。論一執政。再三不降。朝路中見劉貢父曰。若遲回不去。當率全臺論之。孔子所謂鳴鼓而攻之者。劉應曰。將謂暗簫子。元來鳴鼓兒。先生素嚴毅。亦有笑容。

○陸伯陽

潘澹浪邂逅一客。扣姓字。客曰。姓陸。字伯陽。潘笑曰。齊景公有馬千駟。民無得而稱焉。六百拿值甚的。



○王和尚

吳僧姓王，因兄登第，還俗娶婦，而氣極驕，衆甚鄙厭。一日偶同宴會，衆謂優人曰：王和尚頗作怪，汝可誚之。因演蘇季子傳奇，起課者有黃河尚有澄清日，豈可人無得運時之語。優念云：王和尚有成親日，起課人無得運時。衆大笑，王逃席去。

○鐵炮杖

萬曆初，吳中優人有鐵炮杖者，以黑短得名，善謔浪某百戶以紅袍赴新親宴，坐客囑優嘲之。適演考試事，出

紙灰飛作白蝴蝶、鐵炮杖對曰、百戶變了紅蜻蜓、一坐大笑

○婁師德國

袁德師常買得婁師德故園地、起書樓、洛中人語曰、昔日婁師德國、今乃袁德師樓

○無法無聊

都人陳延之見一僧與中貴遊金陵諸刹、因叙款曲、戲曰、二君不是無法、卽是無聊

○家兄孔方

袁中郎與江萊蘿分宰長吳二邑中郎一無問餽時兄  
石浦在翰林江嘲中郎曰他人問餽以孔方爲家兄君  
不問餽以家兄爲孔方耳

○吳妓張蘭

吳妓張蘭色麗而年已娘行一日客攜遊山陸龍石戲  
曰老便老還是箇小娘陸有太醫劄付張應聲曰小便  
小也是箇老爹衆皆鼓掌耳談作杜生  
張好兒事

○醜婦八字

南里先生娶妻求國色故久而不就一旦爲媒氏所欺

反青鵬。艾子往賀國。詢其庚甲。欲爲推算。南里先生閉  
目。搖首而答曰。辛酉。戊辰。乙巳。癸丑。